

崇仁縣志

東馮吉盛記




地  
24333  
38  
1-1

同治癸酉重修

崇仁縣志

尊經閣藏板





250.127  
38  
21~22

續修崇仁縣志序



有一代之政治斯一代之著作以  
重修史然修志何莫不然今  
大中丞劉公續修江西通志奉

諭檄

所屬郡縣皆纂輯方志以獻意

崇仁縣志

序

謂大亂甫平士民之忠義閭閻  
之節烈毋令久而弗傳且好以  
攬屬邑形勝周咨閭閻疾苦  
典誠鉅也儻惟是奉行故事以  
塞乃責而於吏治民風之要缺



真不舉報稱之謂何守土者能  
無懼歟崇志舊名羅山志為史家  
所稱善宋元而降壘次增修凡  
山川城郭疆域之勝戶口阡陌之  
數前人之述備矣後有作者將

崇仁縣志

序

何所揆以為重乎因治八年前任盛  
君銓祇承

憲檄重輯斯編採訪忠烈發微  
闡幽雖梗概略具而核刊之責尚  
留以有待余不敏承乏於茲下車



伊始則見粉壁頽垣荒榛彌漫  
凋瘵化離之狀以屋皆然嗟夫鯉  
石玉田非所稱西江坐邑也乎何兵  
燄以還頽廢若朽也此之舉異以  
志為乃商寅僚集紳耆於遼而諭  
之皆踴躍稱善既以邑志付諸梓  
退而董事興板重修

宗聖殿次

武廟壹是廢墜之端皆由次第興復以為  
一邑先例是書与有重焉雖然崇之



為縣定川僥其北華蓋峙其西南山  
水胚孕代鍾賢喆草廬康齋之遺  
風宛然如昨安在古今人不相及也  
竊願與二三君子型仁講讓無惑  
於異端無踵乎末俗悵忠革薄

崇仁縣志

序

四

翁然率凡有以副



大吏求治之思備

國家輜軒之採而沐浴教澤於不衰  
又不獨是書之增重也已

同治十二年歲次癸酉嘉平月下浣



署崇仁縣知縣北平俞致中撰



馮福祥記



舊敘

馮吉成記

郡邑有志尚矣崇仁爲縣六百餘年不爲不古此書獨  
簡畧疎陋覽者病焉余嘗有志於斯而未暇也嘉定元  
春西昌李君以簿領攝邑事見委編次於是請問耆宿  
搜羅逸聞遍考諸家記載公私碑刻而以祥符舊經爲  
祖累年彙粹迺克成書凡五十有一門釐爲六卷載維  
詩文不可不錄編而成集者又四卷總一十卷名曰羅  
山誌事或遺落文有冗長筆削之任以俟來哲羅山在  
縣西北唐天寶中更爲崇仁山縣廳壁記所謂改縣於  
隋封山於唐山因縣而得名是已故取以名書李君名

崇仁縣志

舊序

伯醇字子孟宋嘉定三年中秋日邑人磬沼羅鑑  
常伯何公於余鄉里爲前輩再歲同朝相得歡甚勇  
辭位上與廷臣力留不可則除寶謨閣直學士以知  
州余適亦丐去未報公來語離出示羅山誌三冊曰某  
所居崇仁其鎮巴羅二山崇仁羅之本名里人羅君鑑  
因山誌縣作爲是書凡縣之物土材實遺文古事纖悉  
必記舊誌多疎畧得此遂可傳信由其博學多聞故能  
及此君宜爲敘之余方以別公作惡重違此意因讀之  
盡卷其彙次有條援據有實質而不俚瞻而不蕪中載  
雋語名章令人應接不暇非筆力大過人疇克爾憶余



三十八年前嘗官豫章沿檄過是縣行百里許羅山儼然不違目羅氏之族實居巴羅二山之間秀氣環合意必有茂材出焉久之樞密羅公果以忠嘉直諫登廟堂爲紹熙名臣余頗自喜其說之驗今聞鑑乃樞密之從弟且蜚英於時則余說滋驗矣名山炳靈是不一姓自昔文獻歷歷可師而何公復以清高歸爲山重將益告語里之士友相與植操行勵事業家穰戶阜與山俱傳則續於此誌又當不一而足余世家南豐始與崇仁爲同郡自會大父乃居京口耄而土思欲歸未能覽是編也愧鄉鄰感時節重何公之遠別賀羅山之有耆舊而

崇仁縣志

舊序

二

復不能無望於來者焉宋嘉定三年十一月九日正奉大夫守吏部尙書兼國史實錄院修撰太子詹事會映敘

磬沼羅公作羅山誌成於茂陵嘉定三年時吏部尙書太子詹事會公映爲敘稱其彙次有條援據有實質而不俚瞻而不蕪中載雋語名章令人應接不暇非筆力大過人疇克爾也後一年郡博士徐公天麟修臨川郡志規模次第一倣羅山又後十二年行在祕書省專牒撫州索取羅山誌與晏元獻文注王荆公詩及吳吏部何月湖鄧陋室三家著述同入芸閣由此觀之斯志之



重於時信矣。然所誌之事止於嘉定三年。厥後縣宰西堂范公應鈴屬磬沼門人黃君元增修亦僅增至十六年也。十六年歲在癸未。下距宋亡之歲五十有三年。丙子革命。迨今又五十四年。事絕弗續。已百餘載。識者病之余不敏。有志茲事久矣。爛熟思之。若并志今日事大體重。不惟陵谷變遷。壇壝改易。勢須盡變舊規。而其按覈考索。旁搜遠討。令不出於官。豈一介寒士之力可得成哉。於是姑仍舊貫。補完故宋之事。若曰改作。則在我後之人。客有問者曰。斯誌不續。歷歲實深。子何所見聞。何所考證。而增補之耶。余曰。景定癸亥以前。則有家戶

崇仁縣志

舊序

三

部坤翁之郡志所載於屬縣事差畧亦麤得其大概。辛未以後。事才四五年。余時雖幼。固及聞之。而又按寶興錄以補頁籍。考前輩諸作。以續詩文。至於人物小傳。則審訂碑誌。間取稗官野史。參以所聞。不揆謏陋。斐然成章。第居今之時。不能誌今之事。未必不爲流俗所笑。抑故宋三百年。吾邑文獻之盛。由是編一覽得之。先覺之士。亦或取焉。若夫事或遺落。文有冗長。筆削之任。以俟來哲。在磬沼已云然。余敢重述此語。以謝客。元夫。歷二年。歲在己巳。仲冬。邑人幼賢甫吳寶翁敘。

崇仁爲撫之望邑。磬沼羅公嘗修羅山誌。以載一邑之



事厥後西堂范公復爲之增修其事愈詳矣近年航溪  
吳幼賢亦嘗增補其志然止南宋之季而不及我朝至  
元以後之事也蓋雖欲併增入之則病於參稽援據之  
難耳梅邊彭君壽卿自早年侍先達寺簿思梅黃先生  
於大幕府聞見之洽識趣之超可知矣以壯得補吏由  
是參謀於州郡提綱於文臺老而歸休田里以歷資當  
參部選貧不能行學士邵菴先生以廉吏目之而深惜  
其貧焉彭君龐眉皓首日以書史自娛遂卽吾邑之山  
川人物典章文雅廢興沿革之詳古今盛衰之跡悉彙  
而錄之名之曰寶唐拾遺或本之郡乘邑志或得之稗

樂仁縣志

舊序

四

官小說或質之里巷之故舊或采之巨公之文集信而  
有證簡而不汎使吳幼賢早得而讀之亦何病參稽援  
據之難而不敢增入羅山誌至元以後之事哉世之有  
志於重修羅山誌者必有取於彭君拾遺之書也嗟夫  
古今能文之士工於言語以馳騁於筆墨之間雄視於  
一世者多矣曾不百年如草木榮華之飄風鳥獸好音  
之過耳亦可悲夫惟襄陽耆舊傳之類千載之下猶爲  
人所愛慕豈非以其足以有所考證乎彭君拾遺之編  
亦若是爾周山堂敘

古今之事蹟欲其行之於今日信之於方來傳之於久



遠俾人質之而不惑者蓋必有成書焉苟無成書徒聞於記誦傳於耆舊於心未免疑似不若有成書可徵之爲愈也余爲是邑下車之際卽求邑志以觀歷代沿革古今事蹟說者謂無也一日校庠學諭臨汀張君齡語余曰是邑誌舊名羅山誌先邑人羅磬沼勅之未盡詳吳梅邊等輩補之未大備今邑人黃中允正山林宿儒也概有重修之志乃旁搜遠紹夫鄉先正遺藁爬羅剔抉增補參稽於永樂三年詳且備矣奈未獲其作興者故寥寥未錄梓而出焉余曰是誌之出亦有時乎齡曰雖然無時亦在人之作興何如耳夫子不云有其人則

其政舉是誌者亦非政之大節目者耶余於是取而闕之俾訓導陳永翳繁補闕遂各捐已俸傭工鋟梓邑之宦門子弟好事者亦各舍庖廩益工越二月告成屬余爲記余謂誌之出也庶足以考古而知今由今而信後使觀覽者一閱而千五百年之事蹟與仕宦之隱顯風俗之滄漓陵谷之變遷山川之勝概不思不採不問不辨已瞭然於心目矣詎不爲盛事哉故爲之記明永樂十年壬辰春二月崇仁知縣瓊山王克義敘

崇仁撫之望邑爲江西文獻之邦舊有誌慨夫久而未續也蓋自宋磬沼羅公勅於前山泉吳公補於後拾遺



於梅邊彭公復修於我朝邑人黃允正時則得賢令王公克義首倡其事遂克成書以垂久遠迺永樂十年也荏苒於茲又將六十年矣於此不續將遂湮沒無傳寧不爲曠典也耶暇日爰命社學師楊宗道陳雅言搜緝補綴仍其舊而增修之然舊誌條目繁瑣敘列失次覽者病焉宗道等請於余就其中撮其大目爲十曰縣境曰公宇曰形勝曰物產曰儲蓄曰官制曰人物曰古蹟曰仙釋曰集文集咏而類分小目於其下大書以提其綱細書以詳其目隨事修補明白簡易俾展卷之餘古今政事風俗之善否文章科第之得人與夫公廨學舍

崇仁縣志

舊序

六

之廢興孝行忠義之旌異以至山川勝概陵谷變遷人文迭出世故周謝靡不具述瞭然在目亦庶乎得紀事者之體也稿成請訂正於余余曰噫古人有云作史貴三長愧余晚學淺陋無一長之可取何敢秉筆於其間哉顧惟忝牧斯土樂誌有成當爲公校其紀載之當否也於是捐俸壽梓以傳若夫補其遺陋續其將來又有望於後之君子焉是爲敘明成化四年戊子三月崇仁縣知縣華亭李祥廷瑞敘

夫邑烏乎志志史之流也無志曷風古者王朝列國各有內外史大小史故夏圖殷冊至周志始備王通氏曰



仲尼述史者三自三史出而古人言動至今不廢是以  
詮次貴隨事綜覈宜及時可令文獻漫無徵哉崇爲江  
以西望邑余不佞以己亥秋奉命承乏於茲頽仰徘徊  
首以志稽而泯如也豈其典誠鉅其作不易而秉筆持  
衡蓋有待與緬維河山不改章程遞因猶可待也鴻儒  
巨卿光照世家可無待也獨不有撫琴缺而逸韻初蘭  
芷以韜芳生平抱奇結念匪附青雲漸與煙霞俱消卽  
後有作者欲辨淄澠於逝水決雌黃於泐石將孰傳而  
孰信之則未必非吾儕責耳幸屬者太史吳公嚳谷在  
告得乘講幄之暇又多博聞有道術士則所以紹明世

崇仁縣志

舊序

七

論次舊聞整齊世傳今其時已維是越蒞任之三年藉  
手時和而政稍稍集爰是筮吉奉吳太史公暨一字黃  
君諸弟子員王君森楊君記陳君大德李君時芳共事  
編摩凡數閱月成書將付剞劂於是泛觀志例歎曰善  
哉簡而該疎而有則法之良也與之觀天文分野形勝  
食貨嘆曰卜洛定郊表方測景冠巴帶汝樵獵樹藝是  
古今之概利用之私也與之觀戶賦歎曰蕃而阜正而  
供其保父之烈與與之觀位署秩官歎曰度而有貞肅  
而有明士陶而秀民恃而舒聲跡彰焉與之觀藝文歎  
曰探蹟摘英如沃醴而挾其粕鮮不精焉與之觀選舉



人物歎曰義經仁緯典型若新先民而有作也執鞭所  
欣慕焉諸君曰是可志已請弁以言余適觀茲舉謬當  
吹呖夫志者揚徽廸哲揆往訓來所以風也風發於青  
蘋之末油油然中物而物莫知其朕也試觀邑之今日  
德讓著朝雍穆被野風稱茂矣倘就此林林總總之中  
有一不登於大雅適足厪維風者之慮然讀斯志而千  
百載之衮鉞不貸凜凜外史也可均無懼哉懼則思思  
則美美則且愛且傳卽以風郡邑而風天下可矣若是  
乃庶幾不負太史公作者之意余所附以不朽者不尤  
有在哉明萬曆三十年壬寅仲秋崇仁縣知縣平江李

崇仁縣志

舊序

紹春敘

崇固江右名區其山川之秀麗人物之麟炳風俗之醇  
懿獨衰然稱最按職方者咸思一至其地以周歷勝概  
然非宦遊竟不可得所藉以觀覽者惟圖志得憑焉舊  
志歲久浸毀其散帙之僅在者又多殘蠹漫蔑百餘年  
來遂成廢闕平江李君司茲土不三載政成化洽迺欲  
舉邑乘新之會吳太史董其事邑紳士集館討論彙採  
編摩三越月告成將壽諸梓謂余濫竽鐸事宜有以言  
余曰輿地貢賦人物土宜彪分臚列亦旣志之敘之矣  
余復何贅維昔者尼父歎文獻無徵孟氏慨諸侯去籍



爲世道慮至深且遠、今者復汲汲於是、其亦務合於聖賢之遺意歟、蓋申法度、飭紀綱、有司事也、懼其些窳、則不可無志、振淹滯、宏教化、有司責也、懼其淪斃、則不可無志、且也羅千載於筆端、撮提封於目睫、千載之間、百里以內、瞭然如陳諸掌上、披圖而玩、鳴琴而理、所得匪淺鮮也、嗣是者、因興廢以酌損益、感善敗而動勸懲、循良接踵、名碩輩興、風化益還於厚、輿地益增而勝、後之續志、將不勝書焉、茲役也、雖以紀往、而將來盛美、實始基之矣、明萬曆壬寅仲秋、旣望、崇仁縣儒學教諭、滇南

金飾瑚紋

舊序

崇仁縣志

九

余在告黃君、君明、在倚廬、邑侯平江李公、以邑乘來屬辭、不獲命、旣已任之、惟是博采旁搜、究變徵實、則庠造王君森、楊君記、陳君大德、李君時芳、實始勞焉、越月餘、竣事、各以其簡來授、余與黃君稍論次、而潤色之、經畫世殊、紛若錯繡、彼界此疆、同歸在宥、作沿革表、茅土制、更錫封如寄、詎云空名、展也、重地作封、爵表、百里寄命、民生滋殖、奕奕庶僚、協重厥職、作官師表、賢材輩興、爲當代使、或勤聘幣、或光宅里、作人物表、山川封識、有指疆土、固圉維風、誰其外侮、志提封、正位辨方、我疆我理、四境相聞、寧乃幹止、志勅設、歲有三征、則壤成賦、土物



匪珍民思敦素志食貨依性作儀導訓斯易植乃準標  
風化攸係志秩禮箕疇庶徵休咎如響一類相召毫弗  
僭爽志紀異景行維賢襲香儀羽豈其異人亦趨亦步  
作列傳帙成用以告於家大夫徧請正於鄉之先生與  
父老弟子員僉謂是志詳簡互宜寬嚴各適足徵文獻  
以驗將來余與諸君再拜上之邑侯邑侯用以觀於諸  
僚屬與學博士迺授劄劄氏時官於邑者縣丞潘君五  
經主簿徐君啟鑾典史鄧君崇惠巡檢羅君萬鍾教諭  
金君飾瑚訓導王君瑚邵君一鵬鄉先生里居者劉君  
三錫余君時陳君天寵吳君言陳君天季宦遊者元君

崇仁縣志

舊序

宗孔謝君迎孝廉余姪學夔選薦余姪學周王君士煇  
歲薦余弟道行余君思獻例貢謝君達劉君八元陳君  
王政劉君鼇咸得備書以表一時同事之盛李侯諱紹  
春別號元陽湖廣岳州府平江縣人領戊子鄉薦家大  
夫諱一龍高郵州知州庚子致仕歸田明萬曆壬寅仲  
秋月望邑人吳道南謹識

自昔志之具也必有以委之亦必有任而成之委惟令  
任而成之惟邑之人吾邑在宋嘉定初若簿李公伯醇  
邑人羅君鑑則邑志之權輿乎未幾令范公應鈴邑人  
黃君元增修之猶未出嘉定間也嗣是相續修補一見



於元天曆間邑人吳君幼賢稍後爲彭君延年再見我  
永樂間令王公克義邑人黃君中又再見成化間令李  
公祥邑人楊君宗道陳君雅言亦旣鱗鱗舉矣乃今距  
成化何寥闕也而大典爲闕謂文獻何萬曆壬寅君侯  
平江李公甫治之三年民和政暇慨然及之肅造太史  
之庭而請而且繆及我二三輩斯其爲念誠遠已太史  
氏暨我二三輩是用感激以圖稱塞卜館寶唐書院卯  
而集酉而散無怠刻焉時則徧索舊志於闔閩中因得  
熊文奎氏所嘗私補者然率出殘闕散逸之餘收什一  
於千百云耳則益惴惴然惟遺漏訛舛是懼復取一統

崇仁縣志

舊序

上

志郡省志及歷代史通考通典玉海諸書用訂分野疆  
域之辨又細按名賢本傳務覆覈之旁及稗官野史諸  
家小說於以補遺而修軼事參互考正必求當心乃得  
書書約數十萬言言無不自手錄且三易稿始乃就緒  
閒有引嫌內舉俟定末路者姑爲備遺以留異日事始  
四月朔之十日五閱月得付剞劂氏嗚呼事有待而興  
幾須時而合斯志也定往而爲則後來胥於是乎在偶  
爾然乎哉明萬曆壬寅仲秋月望邑人黃宸謹識

崇志之修屢矣前哲所載有備有不備明萬曆壬寅李  
元陽令公新之時吳文恪公提衡筆削而諸英共勸厥



事考其位次詳明論斷典則亦云備矣壬寅迄今幾六十年啟禎以來邑狃豐亨俗浸囂侈識者有憂之聞粵寇入境蹂躪然無損崇十百之一也江河日運境內萑苻競發望族無留民鄉遂絕絃誦鬼神莫保其紀紳士輕捐其孥往往僕弑主佃踞產恣焚劫塚墓百里內外善良不相團聚者一紀噫崇民死於兵死於荒死於土逆凡今所存皆兵荒土逆之餘也四顧逼仄遑計生之資幸天惠崇紫山謝公至悉力綢繆初終不爽亂逆交訌之秋恢恢游刃有餘蠹祛而訟簡賦平而輪疾縣治改觀人文丕振士民方慶德化之成公復惓惓於

崇仁縣志

舊序

三

邑誌之闕集博學於庭而謬及於愚愚衰廢野老憂患愴心顧安得有言乎然反復相尋天之數端好惡而化反側主持世教者之責春秋因魯史續詩亡褒譏寄焉勸懲昭焉雖曰定哀之際多微辭未始不示後之人以可思也所以爲萬世法也今則不敢耦其事而師其意曰嚴曰慎俾將來展讀奉爲信史耳蓋從志從言之謂誌攄今之誌溢而爲言假今之言引衆之志衆志定民行興匪無亂賊終當凜凜崇山寶水如昨想見山高而水清嫩文淑行庶幾於吾崇觀厥成也誌重新於楚元陽公今又新於楚紫山公惟楚有材射父倚相之辭訓



所從來久矣元陽公隆平爲其易紫山公崎嶇爲其難  
難易之間功施相越然皆崇之倚庇不淺也故樂得而  
竝紀之順治己亥仲春月望邑人楊汝良謹識

邑之有志國之有史家之有乘一也國史焦儒臣走關  
下兼琅函玉帙充斥于石渠天祿間故參稽確而文采  
易昭家乘溯源萃渙例歐傲蘇一賢子孫優爲之若夫  
邑乘則官師人物臧否顯晦下同於家乘之詳盡而山  
川建置賦役災祥種種巨典上同於國史之尊嚴且總  
其成者一令耳令案牘紛繁必藉於一二文士與士之  
有文而賢者也旣其實不旣其名傳其信不傳其疑心

崇仁縣志

舊序

三

如定水而物無遁形焉否者識不定則予奪得以汨其  
中力不堅則是非得以淆其外畧巨錄細登枯遺良如  
是而備也不如其缺也存也不如其亡也膺國史家乘  
之美而兼有其難可不慎歟崇仁爲撫郡六屬之望唐  
宋以來科名踵繼理學文章甲於他邑如巴羅華蓋名  
山鼎峙皆臨汝之鎮而竝隸崇境靈氣蓄洩氤吐神奇  
不佞自乙未奉

簡書來蒞是邦入境見山川入廟見人文入署見圖志輒嘆  
曰張西江者吾崇哉惟是六十年來記載久缺更革之  
後事易淪亡思所以增續舊編者因循歲月荏苒三年



而遷官之聞至矣葉舟初艤前念輒縈與劉君壽祺陳君蜚英共謀縮鞭了此公案二君皆宏才博學高蹈自善者諸例未備則劉君任之新頒全書則以陳君任之每脫一稿卽走奚童示予增補之而不爲僭其事典重大者欲參末議二君力爭而不爲嫌天地鬼神臨楮墨間也閱兩月缺者少補畧者粗備惟節孝一例僉論未定姑待焉蓋寶唐號名區缺二字宦轍所至不乏文采風流之缺二字攸好之心必大勝於前人知此書之合尖無難也故先將已訂者竣厥工其餘有已屬稿而未登梨棗者及節孝一例屬後之君子定焉是役也搜求不過

崇仁縣志

舊序

古

一甲子之中增益不出所聞見之外論斷悉遵吳太史原本述也非作也不佞與二君亦可以告知罪於通邑也矣順治十六年己亥春崇仁縣知縣楚蒲圻謝允璜敘

邑乘自沿革輿地人物田賦治諸事蹟以爲經中間稍撰集文辭以爲緯百里遠近百世上下瞭然如陳諸掌上也是編也成於萬曆壬寅吳文恪公嗣增於順治己亥邑令謝紫山先生距今十五稔矣天運旣增人事益麗茲者奉尺符將彙成寰宇通志謂寶唐屬在下邑簡篇宜備用是重加討訂借司鐸朱君東升邑文學劉君



壽祺櫛字比句斟酌閱月去其言之不雅馴與事款之駢贅者一往悉慎之志且於四百四十餘篇之中諸例大率仍舊唯食貨一志剗削從新蓋以今日全書視曩篇差異從而易之監於一王之成憲而已唐荆川有言曰國邑有志本以經世非以博物苟切於利器用而阜民生不得因瑣穢畧之斯言得輕重本末之旨矣余竊祿凡五載尺寸凜冰一切踵循舊事間者不得已而有營作其得已者已之誠不欲煩吾父老子弟而希取後世之名獨念有司過闕歲青譴告雖蠲租之令屢下忝爲司牧除捐濟之外益務痛自刻責以顛蒼冥俾自今

### 崇仁縣志

舊序

五

以始歲其有而里閭咸庶繁豐殖也然象數在天修省在己此意誠不可以喻人度非載筆家所能稱道後之覽者其或有感於斯言康熙十二年七月既望崇仁縣知縣陳潛敘

崇仁撫郡望縣也余於嘉慶十九年春奉

簡命來膺斯邑兩城內外煙火雲連衣冠文物比戶皆是且自學宮橋梁所費不貲外卷局試院諸務畢舉以爲令茲土者之作新然乎抑子正草廬諸先輩之教澤未泯乎遂每欲考邑志以得其世家遺俗流風善政稍稍依據以爲治詎意殘缺漫漶諸本異同不一蓋自前明萬



歷以後雖經我

朝順治康熙初照舊本續增一二實曠二百餘年尙未修  
舉向殷問帛向夏問璜執卷徬皇無可爲計因循至二  
十三年歲在戊寅春集邑人士謀新是編僉以體大責  
重當延外方名流爲詞余曰不然王鼇之蘇州志康海  
之武功志豈外方名流耶古今人或不相遠也且考邑  
志始南宋羅氏繼以黃氏吳氏彭氏諸君子皆邑人也  
方隅曲巷先獻舊聞彼外方名流學問故宏富倘亦釐  
牛之大勢所難以執一鼠也爰承其事者孝廉袁君章  
華劉君庠麟明經陳君一鴻陳君廷賚文學樂君金三

崇仁縣志

舊序

夫

方君鏡曹君虎拜陳君翰共得八人寬以時日稿本初  
定余覽其卷帙多舊數倍亦且規畫詳晰斷制精嚴訂  
訛補缺頗不爲少私心竊信其庶幾乎復以就質於余  
同寅章明府甫明府無書不讀博洽士也考索勤矣亦  
鮮於事關本邑者附益之議論富矣亦鮮於義係本邑  
者指正之卽凡例中更定一二於全書無甚關係余然  
後毅然有以信余前之所信於斯編者竝余前所謂不  
必斤斤外方名流之恃亦於茲可以驗其不涉於誣妄  
也矣蓋凡志乘家源流得失更僕難終矣大抵紀天文  
選舉職官人物列女等類稽近古史紀山川疆土風物



建置軼事等類則又近三輔寰宇及說部雜記諸書然  
總之不離揭曼碩論史有學問文章而無史筆者不足  
與有學問文章史筆而無公心者不足與八人者余不  
敢知其學問文章史筆果何如萬厯志以前諸君子更  
何如外方名流但彼此既各操觚又肯彼此互訂稍有  
不定常擱筆數月務共期於至當而後已或就余商論  
之從無一不相下語今就其凡例及考論若干條繹之  
正足以想見其和衷相濟詳慎斟酌不敢掉以輕心之  
苦縱不能保其無失於戲其用心可謂公矣他日有乘  
翰軒而來採者卽以此志上之其亦庶幾無愧於信今

崇仁縣志

舊序

七

而傳後也哉是爲序道光元年歲次辛巳孟冬月崇仁  
縣知縣山西興縣原步顏撰

史家稱作志爲難蓋以瑣屑繁碎逐一考實之難也縣  
邑方隅之書亦以志名者何獨不然而吾崇之志更有  
難之難者余家寓臨川逮余三世矣志曠若干年未修  
先獻舊聞茫如也其無能爲役也固宜惟是乾隆四十  
八九年間余因主相山書院講席時晤諸前輩如陳明  
經肯堂徐明府鏡亭皆邑文獻也每欲舉此事不果旋  
余亦宦遊四方聞彭秋帆陳東庭羅屏山諸先生先後  
治崇公餘之暇皆欲於此事奮發有爲卒因循以去蓋



舊志之訛闕漫漶猝難動手無論矣加以世家故族星羅碁布甲於他邑往往築室道謀兼又艱費則其不果也殆亦勢使之然也甚矣其難哉嘉慶二十三年春縣大夫原招余議修時搜訪討論則樂茂才金三曹茂才虎拜方茂才鏡陳茂才翰諸君之力爲多諸君者皆能以資識亮拔始終其事又得楊茂才逢本於此事留心有年互相考校其家有藏書承先人遺訓則陳明經延賚至若首膺其難操觚也而復經費務使此編詳而不失之陋嚴而不失之刻寬而不失之濫者則陳明經一鴻之力而爲之飲助者有若劉孝廉庠麟袁明府章華

崇仁縣志

舊序

六

焉嗚呼是編也余固不敢信其有得而無失有功而無過但較之舊志當亦有公論也余羣矣雖無能爲役其所以難成此書之由惡得無一言以告我邑之後人或謂何以見其難日和而不同周而不比此其所以爲難也邑公事盡如此其何事不濟獨修志也乎哉是爲敘道光元年歲在辛巳季冬之初

賜進士出身

誥授奉直大夫原任山西磴口運判邑人李紅敬撰時年七十有七



崇仁縣志

凡例

一志乘體例各有不同是編恪遵省頒條例惟舊志中名目有與省例不同而又未便刪除者則以類相從附於各門之後亦奉行官書略爲變通之意

一道光舊志多爲陳玉輝先生所訂正所有按語此次概不刪除不敢掠美兼表前人之苦心也

一彈丸小邑未必上應星文然前人有臨川上應文昌之語所謂臨川者指闔郡而言則崇仁亦在其內紀慎齋先生臨川志論之最詳故特錄其論二篇

崇仁縣志

凡例

一道光舊志沿革門有表攷二類雖仿史漢之遺然前或統而未分後或分而屢割閱者仍難醒目故刪表而留攷以免重複

一郡邑各壇廟祀典載在 大清通典似非一邑所應列但小邑難備全書茲附於各地之後亦足仰觀

休明而臨事不致隕越

一道光舊志薦辟門分列特聘薦舉辟舉各門未免瑣屑且列於貢士之後殊爲不倫茲統歸薦辟門置進士之前庶足昭一代特科之盛

一舊志列封爵於選舉封爵一門他處人十之八九本處人



十之一二列諸選舉實爲不類今遵省志例附沿革後眉目始清又舊志有應列封贈而列於封爵者今改正

一道光舊志選舉門已分列科貢例選各類是編仍倣其意凡進士之官階詳進士下舉貢亦然其保舉及遵例各員僅邀虛銜未注選籍者不敢濫登惟封贈內雖僅虛銜而有誥軸呈局者敬謹載入所以表

殊恩也

一道光舊志忠義一門紀載甚屬寥寥是編修於兵燹之後陣亡殉難者不一而足其中雖偶有不實然旣邀

旌典例得備登

崇仁縣志

凡例

二

一道光舊志藝文門內僅標書目二三頁於本人著書大意未能發明是編各著述後除四庫已著錄者不另加註外凡已刻未刻俱畧綴數語以符新修省志體例

一道光舊志軼事門列有唐人雜說數條細繹原文所謂崇仁者乃彼時京師里巷之名地在陝西非隋所建之縣名也茲概從刪汰

一是編人物各傳俱由各鄉各家呈報到局所有本家開報原文本有詳畧之分故各傳亦有煩簡未能劃一



崇仁縣志目錄

卷首

宸翰 歷朝誥敕附

續修銜名

繪圖

卷一 地理志

一之一 星野

一之二

疆域

坊亭井塔附

一之三

沿革

封爵附

一之四

山川

一之五

水利

一之六

津梁

一之七

古蹟

一之八

風俗

一之九

物產

卷二 建置志

崇仁縣志

目錄

二之一

城池

二之二

壇廟

二之三

公廨

試院附

二之四

寺觀

育嬰堂養濟院漏澤園附

卷三 食貨志

三之一

戶口

三之二

田賦

額徵蠲緩雜課附

三之三

倉儲

三之四

漕運

三之五

驛鹽

卷四 學校志

四之首

謨訓

四之一

學宮

四之二

學制

學額學田附

四之三

書院

社學附



卷五 武備志

五之一 兵制  
五之二 武事

卷六 職官志

六之一 文職  
六之二 武職

六之三 名宦 死事附

卷七 選舉志

七之一 薦辟  
七之二 進士

七之三 鄉舉  
七之四 武甲科

七之五 貢生  
七之六 仕籍 封贈敘蔭寄籍附

卷八 人物志

崇仁縣志 目錄

八之一 名臣  
八之二 宦業

八之三 理學  
八之四 儒林 篤行附

八之五 文苑  
八之六 忠義 分上下

八之七 孝友  
八之八 善士 尙義附

八之九 隱逸  
八之十 方技

八之十一 列女 分上下  
八之十二 寓賢

卷九 藝文志

九之一 經部  
九之二 史部

九之三 子部  
九之四 集部

九之五 別部  
九之六 文徵



九之七 金石

卷十 雜類志

十之一 仙釋

十之二 塋墓

十之三 祥異

十之四 軼事

附編

公產上

公產下

捐刻姓名



崇仁縣志卷首

宸翰

歷朝誥敕附

陳象樞督學四川敕

國朝雍正十三年

敕提督四川等處學政翰林院檢討陳象樞自古帝王之治天下率以興賢育才為首務稽察前制學政用詞臣督率之任至重也近來士習未變文事未彰良由督學各官不能仰體朕意今特命爾前往四川等處提督各府州縣學政爾尚端軌儀崇經術勤勸課嚴坊刻振維新之典草積衰之弊毋炫華而遺實毋避怨以市恩俾士有真才國收實用西蜀人文興起尤宜加意作新多方鼓舞以稱朝廷培植人材至意果

崇仁縣志

卷首

宸翰

能教士有程取文有法俾士風丕變時惟爾功如或蹈常襲故違命曠職亦惟爾罰爾其慎之故敕

吳澄復兩廡從祀敕

國朝乾隆二年

敕曰元儒吳澄天資純粹學問精深著書則羽翼羣經設教則陶成士類有功往聖之學無愧純儒之稱特允部議准復從祀兩廡舊典着禮部即行國子監及府州縣

文廟一體遵照永為定制封誥猶舊於戲紹三千歲之聖傳淵源有自曠二百年之虛位俎豆仍新

陳象樞督學湖南敕

國朝乾隆四年

提督湖南等處學政翰林院檢討陳象樞自古帝王之治天



下率以興賢育才爲首務稽察前制學政用詞臣董率之任至重也邇來士習未變文事未彰良由督學各官不能仰體朕意今特命爾前往湖南等處提督各府州縣學政爾尙端軌儀崇經術勤勸課嚴坊刻振維新之典革積衰之弊毋炫華而遺實毋避怨以市恩俾士有真才國收實用三楚人文所萃尤宜加意作新多方鼓舞以稱朝廷培植人材至意所屬道府州縣提調等官凡關係學政者聽爾據實考核其禮部題准申飭事宜當著實舉行向有傳諭嚴禁考試情弊爾當恪奉遵依至於本處督撫各有攸司不得互相干預如遇公事交接暨文移往來俱照平行其布按二司接見禮儀往

崇仁縣志

卷首

宸翰

二

來文書有干係學政者俱照學院衙門例行爾受茲委任務嚴絕情面一秉虛公振拔孤寒澄汰汚賤教士有程取文有法俾士風丕變時惟爾功如或蹈常襲故違命曠職亦惟爾罰爾其慎之故敕

陳鳳翔總督河南山東河道提督軍務敕

國朝嘉慶十五年

皇帝敕諭兵部侍郎兼都察院右副都御史陳鳳翔茲以總河有關漕運大計特命爾總督河南山東河道提督軍務駐劄濟甯州凡山東曹濮臨清沂州河南睢陳各該地方俱照舊督理爾督率守巡河道等官將各該地方官新舊漕河及河南山東等處上源往來經理遇有淺澍沖決堤岸單薄應該



幫築挑濬者皆先事預圖免致淤塞有碍運道合用人夫照常於河道項下附近有司軍衛衙門調取應用其各省歲修河工錢糧但係河道工程俱照近日新行事例通融計取支放務要規畫停當毋得糜費若所屬大小官員果能盡心河務卽據實舉薦有侵漁溺職怠玩誤事及權豪勢要之家侵佔阻截並違例盜取河防應拏問者徑行拏問應參奏者指名參奏其河道緊要機宜有干河運督撫衙內會同計議施行若有重大事情奏請定奪年終將修理過河道人夫錢糧備細造冊畫圖貼說奏繳或有土賊不時竊發慮河運爲梗爾尚精選將領嚴覈兵馬勤加訓練申明紀律如遇賊寇窺

崇仁縣志

卷首

宸翰

三

犯卽督發鎮將官兵勦滅勿使蔓延如有將領臨陣退縮殺良冒功及糧道稽遲失誤軍機者武官自四品以下文官自六品以下會同各該巡撫准以軍法從事鎮道等官飛章參處務期消弭亂萌保安地方河道軍務有開載未盡者許以便宜舉行不從中制爾以才望簡用須殫竭忠猷不避勞怨斯稱委任毋或因循怠忽及處置乖方有負委託爾其勗之  
故諭

陳鳳翔總督江南河道提督軍務敕

國朝嘉慶十六年

皇帝敕諭兵部侍郎兼都察院右副都御史陳鳳翔茲以總河有關漕運大計特命爾總督江南河道提督軍務駐劄清江



浦凡江蘇淮徐揚鎮海通安徽鳳泗各該地方俱照舊督理爾督率守巡河道等官將各該地方官新舊漕河往來經理遇有淺澁沖決堤岸單薄應幫築挑濬者皆先事預圖免致淤塞有碍運道合用人夫照常於河道項下附近有司軍衛衙門調取應用其該省歲修河工錢糧但係河道工程俱照近日新行事例通融計處支放務要規畫停當毋得糜費若所屬大小官員果能盡心河務卽據實舉薦有侵漁溺職怠玩誤事及權豪勢要之家侵佔阻截並違例盜取河防應拏問者徑行拏問應參奏者指名參奏其河道緊要機宜有干漕運督撫衙門會同計議施行若有重大事情奏請定奪年

崇仁縣志

卷首

宸翰

四

終將修理過河道人夫錢糧照例備細造冊畫圖貼說奏繳或有土賊不時竊發慮河運爲梗爾當精選將領嚴覈兵馬勤加訓練申明紀律如遇賊寇窺犯卽督率鎮將官兵勦滅勿致蔓延如有將領臨陣退縮殺良冒功及糧運稽遲失誤軍機者武官自四品以下文官自六品以下會同督撫提督准以軍法從事鎮道等官飛章奏處務期消弭亂萌保安地方河道軍務有開載未盡者許以便宜舉行不從中制爾以才望簡用須殫竭忠猷不避勞怨斯稱委任毋或因循怠忽及處置乖方有負委託爾其勗之故諭

諭賞陳鳳翔永定河道任內丁父艱治喪銀兩

嘉慶八年



上諭直隸永定河道陳鳳翔每於差次召對之時奏及伊父年老多病實因身受重恩現司河防之職不敢遽請終養察其情辭甚屬真切茲陳鳳翔已聞訃丁憂殊爲可憫著顏檢于直隸藩庫內賞銀二百兩卽令回籍作料理喪事之費欽此

李傳心贈國子監助教銜敕

咸豐六年

制曰臣子篤致身之義早矢於服官國家念宣力之勞尤憐其靖節憫忠勤之旣著允贈卹之宜隆爾國子監學正銜原任江西廬陵縣教諭李傳心努力酬知竭誠奉職見危授命庶不愧夫成人臨難捐軀良克全夫大義用沛旌揚之典俾邀綸綍之榮茲因吉安被匪圍攻陣亡從優加贈國子監助教崇仁縣志

卷首

宸翰

五

銜贈爾爲徵仕郎錫之敕命於戲寵賁重泉如拜及身之賜賞延後世還敷任子之恩



歷朝誥敕附

樂史遺像贊

宋

年

臨川人物兵部為首兩度登科贊佐皇猷鷄鳴而與金門待  
漏進則盡忠退則孝友慈竹詩新寰宇記舊鶯囀上林展了  
八首位列六卿爵祿既有敕爾子孫永為長久

樂史神像詩二首

宋

年

大姓名昭五郡閒詩成寰宇一心寬寫真為待金門漏留與  
兒孫作樣着

一門科第冠儒林慈竹春深滿地陰好看太平寰宇記可將  
遺像鑄黃金

崇仁縣志

卷首

歷朝誥敕

樂史慈竹詩贊四首

宋咸平三年

堂前慈竹綠陰陰堂下兒孫孝弟心和氣一門仁道盡傳家  
何用滿籬金

有竹名慈世世昌遠移根蒂自陵陽至今奕葉流芳盛始信  
卿家慶澤長

一自高人種竹來卿家不厭滿庭栽春風次第龍孫長幾度  
堦前破綠苔

此筠本幹不崢嶸尺許高低長幼情孝順猶如兄與弟侍郎  
因此愈施名

樂史詩贊

咸平五年



奮身科第爵及恩榮進司喉舌竭盡股肱輔我邦國顯我文明表彰爾德歷代忠誠

封羅文通敕 紹興二年十二月

君子於不道之朝逸隱爲高人主於清修之士激揚爲務昔晉羅文通寡慾無求廉退自守隱居學道著一十四篇之書力學訓徒感從學八百之衆苟全性命於亂世不求聞達於諸侯有若高人是宜嘉獎今南昌尉梅福已封吏隱真人文通之行梅福之流屢徵不仕明哲知幾可封大羅悟道徵君并修羅山書院額主者施行

贈朝奉郎秘閣修撰歐陽徹制 紹興四年十月二十日

崇仁縣志 卷首 歷朝誥敕

二

制曰嗚呼古之人願爲良臣不願爲忠臣以謂良臣身荷美名君都顯號忠臣已嬰禍誅君陷昏惡嗚呼爾徹其殆有意於忠臣乎由朕不德使爾不幸而不爲良臣也雖爾情不得已不失爲忠臣顧天下後世獨謂朕何此朕所以八年於茲一食三嘆而不能自己也通階美職豈足爲恩以塞予哀以彰予過魂其有知享朕茲意

加封諳源神李榮敕 宋嘉定十三年

制曰伍相精忠死後不忘社稷雲長大節冥中亦護王家雖由正氣之至大至剛實乃真魂之不磨不滅咨爾真官李生非將種死作明神雲霄克表真誠草野偏能戮力鸚鵡戰鴨戰



毛族爲汝衝馳風師雨師天丁聽其驅策立殲逆醜用奏膚  
功確知大義之凜然以補諸臣之不及靖共文武翌奠山河  
朕嘉乃不績不忘大勲用錫金幘頭一玉帶錦袍一珠傘一  
白銅劔戟一仍舊敕金輪大法眞官忠義侯王加封湖南觀  
察使司至道大法李公眞君於戲英靈不泯勿以旌一捷而  
遂弛勤勞節義永彰直須亘千秋而常扶景運欽卹無疆毋  
替朕命

封諳源神李榮妻吳氏夫人敕

嘉定十三年

制曰抱樸有妻下界顯爻疣之法文簫得配雲霄示跨虎之  
神相夫旣備靈通助國還彰才力心貞不泯道大常伸咨汝

崇仁縣志

卷首

歷朝諸敕

三

眞官后宮吳氏璇宮秀品琳館高眞得道井山福澤遍敷下  
土宣威彭蠡勛勞洪著中州無邊顯汝技能眾畏夫人之壘  
是用殲厥逆醜羣推娘子之軍功不可忘旌唯恐後茲特遣  
官照原封清順善聖夫人加封忠義清順善聖大法夫人給  
花冠繡襖用錫汝勲於戲同心報國英雄度越鬚眉協力勤  
王懋德儀型彤管褒嘉無旣配享彌新

贈何異敕

宋寶慶元年

詔曰爾居詞林纂修稱職擢授工部侍郎旋陞工部尙書寶  
謨閣學士終贈臨川郡開國侯朕以其能秉心不回忠言屢  
聞考其所修之史皆成理學之語朕爲寵之茲復表彰歷歷



擢陞官職以報爾之功烈以爲爾之子孫慰勉云

贈羅點敕

宋紹定二年

制曰饗明堂而霑澤具有彝章下木鳳以遺封式彰儒道昔  
屢舉褒揚之典茲復行追祕之恩眷我舊臣若時明訓故端  
明殿學士僉書樞密院事羅點特贈爾太子太師金紫光祿  
大夫崇仁縣開國伯指書社而封斯道還明於今日卽故鄉  
而祀厥光謾異於前聞有赫其靈尙淑爾後

賜李劉詩

寶慶

年

雪壓喬林晚欲堆南枝何處得春來初無急急爭春意自是  
千花不敢開

崇仁縣志

卷首

歷朝詔敕

四

賜吳當詩

明洪武

年

辛丑至江州有一童子挽舟而上問之乃廉訪使吳先生歸  
舟也偶得二十八字以贈 三尺孩童有古風神腴老叟滲  
船中顛連無告多般苦傲雪凌寒過一冬

特聘吳與弼敕

明天順元年

朕承祖宗丕緒求賢圖治亦有年矣永惟勞於求賢然後成  
無爲之治樂於忘勢乃能致難進之賢聞爾與弼潛心經史  
博洽古今蘊經國之遠猷抱致君之宏略顧乃嘉遯邱園不  
求聞達朕眷懷高誼思訪嘉言望爾來儀以資啟沃夫古之  
君子隱居以求其志行義以達其道而獨善自安豈其本心



諒爾於行藏之宜處之審矣今特遣行人曹隆詣爾所居徵爾赴闕仍賜禮幣以表至懷爾其惠然就道以副朕翹待之意故諭

賜吳與弼還家敕

明天順二年

朕惟自古英君義辟莫不好賢求士以臻治理故復位以來深思先務莫急於此爾與弼懷抱道德嘉遜林泉特遣行人賚捧書幣造廬徵聘爾乃惠然肯來深慰朕懷欲煩輔導東宮特授春坊諭德爾以衰老固辭朕堅意不允留之數月果然病勢弗已乃知本心非不欲仕第以不能供職故耳於是特允所辭且以嘉猷勗朕足見忠愛之誠仍遣行人送還故崇仁縣志

卷首

歷朝詔敕

五

里賜以銀幣用表至懷復命有司月給廩米二石以資供贍爾其優游桑梓安身樂道以度遐齡倘精力未衰尚其無忘纂述以繼前賢輔教垂世之意故敕

諭祭吳一龍文

明萬曆三十九年

曰惟爾端方範俗愷弟宜民有子亢宗乞身返服瞻此寅清之彥實惟醕謹之傳純嘏方殷令儀忽闕乃嘉燕翼式播龍光諭祭特頒靈其歆服

諭留吳道南詔

明萬曆四十四年

朕以卿才望兼隆特茲簡召輔理豈可堅意托疾求去屢旨慰留尚爾陳請不已今朕壽節在邇百僚稱慶卿爲輔弼重



臣豈可久延私寓不出於心何安况閣務繁重倚賴方殷前  
場事已明不必介懷宜遵明諭即日入閣協恭輔政以副延  
佇至意慎勿固辭特諭卿知

吳道南資政大夫誥命

明萬曆四十六年

制曰朕勤思上理注簡元僚必藉非常之人丹青駿烈方副  
是毗之寄黼黻鴻圖豈意憂社稷之臣遽罹憂而去位爰稽  
重輔弼之典用申命以昭恩爾原任禮部尚書兼東閣大學  
士吳道南其心休休厥猷翼翼摛文玉署代綸綍之王言進  
牘金華贊圭璋於玉璽越從清秩特進黃扉列高三事之班  
職佐萬幾之重有猷謀必告於后獨秉孤貞非堯舜不陳於

崇仁縣志

卷首

歷朝誥敕

六

前雅稱大敬德堪輔世爾惟舟楫鹽梅道足格心朕作股肱  
耳目睠惟今之退而讀於禮孝矢南陔固望後之進而棊乃  
忱忠抒北闕是用授爾階資政大夫錫之誥命於戲慎優游  
以免遁在高蹈之士猶然無金玉而有遐何大臣之衷不爾  
既竭三年於孺慕務成一德之始終時乃之休朕志以懌欽  
哉

吳道南授光祿大夫誥命

明天啟元年

制曰朕誕受寶區光祚朝宇首隆弼德用肅元僚惟先祖考  
累世之遺人實朕冲人紹庭之舊德特隆褒渥乃備優崇爾  
太子太保戶部尚書兼文淵閣大學士吳道南識度冲夷丰



儀端亮蘊經邦之道秉命世之才天人擢對於龍墀國史摛  
文於虎觀儲端有翼甘盤之學多聞秩宗惟寅伯夷之任鮮  
匹啟沃每資於辰告執持雅鎮乎時趨揆望彌清疇咨是簡  
召公輔政宏宣二相之猷伯禹陳謨遠著三苗之烈蓋始以  
司馬之重傾動華夷旣以謝傳之高出關宗社神皇遠豫思  
黃髮以無愆先帝覃恩擬白麻而未果竊恐安輪弗就誰能  
復挽其堅亦思上袞未加先欲式增其寵載還祕閣俯兼宏  
文之尊特領震宮仰列孤卿之峻旣稱改玉宜賜喪綸爰以  
覃恩授爾階光祿大夫錫之誥命於戲車服以庸虞表日嚴  
之德旂常是紀周隆明作之功咨爾老成毗予冲幼尙亦勉  
崇仁縣志

卷首

歷朝諸教

七

從龜卜荅在天二后之靈快覩龍飛贊指日三辰之化欽哉  
吳道南贈少保諡文恪誥命

明天啟三年十一月

制曰朕聞英明之辟必資輔弼之臣故夢卜依然徵省傳巖  
之下典型尙在適追臺閣之先其有幃幄舊勞絲綸宿德朕  
方簡在天不愆遺者褒恤可不隆哉爾太子太保戶部尙書  
兼文淵閣大學士吳道南祥徵吞鳳瑞應呈雲自軒擢而歷  
史林陟宮寮而典文柄鳳池春暖抽百代之菁華鵬路風高  
羅一時之俊彥橫經辰告早儀中極之垣典禮寅清首建前  
星之畫望夙隆於玉署名久卜於金甌特起西江召參東府  
宛李文靖之前職每以時事危主心抱范希文之先憂直以



天下爲已任幾年梓里眺白社之娛遊此日槐庭繫蒼生之  
仰望徵車有待方厯召潞之懷易簪驚聞俄應隕星之讖悲  
同臣庶愴切予衷茲特贈爾爲少保證文恪錫之誥命於戲  
勤學好問日文溫恭朝夕日恪直惟碩彥克副榮稱壹字華  
褒允合易名之大典三孤峻秩儼躋論道之崇階賁乃黃壚  
歆茲紫綽

諭祭吳道南文

明天啟五年

日惟卿忠貞直亮清介端方詞垣載筆編摩垂湘帙之光講  
幄論思啟沃著勤勞之譽司文衡而挽士習功令一新定諡  
法而肅獻章折衷允當納約聯宮闈之愛公忠結先帝之知  
崇仁縣志

卷首

歷朝諸數

八

正色立朝百辟具瞻其丰采殫心謀國萬幾悉賴以贊襄北  
斗名高東山望峻何圖瑾露遠徹楓宸悼失典型特隆恩數  
錫之俎豆迨而室家胥嚮如存靈承有赫



崇仁縣志續修銜名

鑒定

撫州府知府 朱澄瀾 玉甫浙江嘉興府秀水縣舉人

主修

前任崇仁縣知縣 盛銓 鏡堂安徽全椒縣舉人

前署崇仁縣知縣 侯長齡 松崖山西渾源州進士

前任崇仁縣知縣 許兆楠 少校浙江孝豐縣附監

署崇仁縣知縣 俞致中 子茂順天宛平縣舉人

協修

崇仁縣儒學教諭 劉庭芬 藻卿吉安府泰和縣舉貢

崇仁縣志續修銜名

崇仁縣儒學訓導 湯咸有 萃菴饒州府安仁縣歲貢

崇仁縣縣丞 田錦春 文舫湖北襄陽縣附貢

崇仁縣鳳岡司巡檢 張則浚 明菴湖北棗陽縣附貢

崇仁縣典史 吳齊熾 昌而湖南桂東縣文童

纂修

邑舉人保舉孝廉方正湖南候補州判 黃炳奎 竹書

邑舉人浙江卽補知縣 甘啟祥 子和

邑舉人保舉教諭 劉常心 存其

邑舉人峽江縣訓導 陳藻翔 梧岡

邑舉人揀選知縣 陳兆奎 禹門



參閱

舉

人

方綬輝

仰之

花翎運同銜貴溪縣教諭

謝希楨

貞木

倡辦捐款

花翎運同銜指省湖南同知

謝希軾

若瞻

署廣東順德縣紫泥巡檢

陳冠英

子俊

監

生

劉詩醅

味涵

五品銜江蘇上海縣主簿

甘道森

谷孫

州同銜加二級軍功儘先從九

陳開箕

南輝

布政司理問銜

黃中适

匯川

崇仁縣志續修銜名

監

生

黃一綬

壽臣

布政司理問銜加二級

袁道增

春林

監

生

陳煥勳

煥卿

布政司理問銜加四級

袁恭宏

含齋

州同銜加二級

黃錫珪

廣侯

校對

增生州判銜卽選縣主簿

楊拜庚

芸樵

增

生

黃惠安

可魚

附

生

黃兆昇

升之

附

生

彭友菊

淡人



增

生

陳照燕 子星

附

生

劉夢蓮 愛周

附

生

甘紹先 耀廷

監刻

監

生

黃觀沅 楚材

六一系志  
貴冬新名




# 臨川縣圖

馮福祥記

崇仁縣志 卷首 繪圖







崇仁縣志

卷首繪圖







崇仁縣志

卷首 繪圖

南城北城圖








崇仁縣志

卷首 繪圖



津梁部內已  
 歸舊志載東著標名  
 凡五此獨遺矣遂於橋  
 不註因無田圖古跡  
 可稽莫定何處以俟  
 西後賢者海員增正



崇仁縣志


卷首

繪圖



青雲鄉

東



青雲鄉在縣西北屬都十  
 其六都十五都十七都三  
 十九都內連長安鄉十六  
 都七都四十一都四十二  
 都四十三都外界豐城三  
 十都南連崇仁鄉之九都  
 西南界樂安  
 據吳文正公上方觀記樂侍  
 郎生于其地都皆無考







西半都界樂安  
東半都界宜黃



崇仁縣志

卷首繪圖

七

禮賢鄉







崇仁縣志

卷首 繪圖

禮賢鄉在縣東北屬都七其十三  
 都西北界豐城十四都二十五都  
 二十六都外連惠安鄉內連長安  
 鄉二十七都內與長安鄉之二十  
 三都二十四都三十九都毗連外  
 為二十八都四十都二十八都北  
 界臨川東界宜黃四十都東南外  
 則盡界宜黃







十九都 靖靈山 西

穎秀鄉在縣東屬都七中界宜河八都十八都十九都俱北  
 連惠安鄉之四十八都南與三十二都毗連三十三都四十  
 四都五十四都俱東界臨川

已上六鄉所有山川村落坊井橋渡陂塘圳堰寺觀菴  
 堂亭閣廟墓古有今廢者悉依舊志圖繪其新增一切  
 為紙所限不能備載俱載於疆域部


崇仁縣志

卷首 繪圖

十

學宮圖

東







崇仁縣志

卷首 繪圖

十一

相山書院圖









崇仁縣志

卷首

繪圖

華蓋山圖




向東南南





北東向南西坐山蓋華

香爐峯



掣傘洞

福神殿

石鼓

斗山

龍潭上

太平市

崇仁縣志

卷首

繪圖

十四

北東向南西坐山相

相山圖

新殿



洞天門

查峯

隱真觀

土地祠



殿老  
 東漢豫章  
 守欒巴隱  
 此始名巴  
 山唐天寶  
 六年勅改臨  
 川山以臨水所  
 自出也宋紹興中  
 縣令孫懋避藥仙  
 諱改稱相山上建  
 有祠祀梅藥鄧葉  
 西真人



卷二

繪圖

十五